



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

LXVI. Das Domcapitel beleihet Lucas und Jacob Wultzke mit Besitzungen in Belitz und Burgstall in der Altmark, im Jahre 1545.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

hatt. Daur vns jtzgnanter Marcus Saleman einhundertt vnd zoeihen gulden entrichtet vnd bezalet hatt. Vnd wir vnd vnser nachkomende sollen vnd wollen genanten Marcus Saleman, keuffer vnd feinen Erben des kauften guts zu recht ein gewehr sein vnd pleiben vor allermenniglich. Vnd dieweil wir den sothan hundertt vnd zoeihn gulden an Müntz gein vberantwortung dieses vnfers offenen brieffs von stundt aufgenommen vnd empffangen, die wir auch widderumb wissentlich in vnser kirchen nutz vnd fromen gewandt, darumb so quietiren vnd sagen queidt vnd frey der oben erzelleten summen in vnd mit craft dieses brieffs, Jdoch vnd mit dem betcheide, das wir vnd vnse nachkomende die gericht, vnd derselbighen auch nergend anders als vor vns vor recht fordern sollen, vnd vberkeit ahn den weinbergk behalten wollen. Weres auch sache, das vff die weinberghe steier oder schotz vom churfürsten ader landtschafft zu gebin auferlecht wurde, Alsdan soll vnd will Marcus Saleman ader seine erben sothan schotz, laut des ahnschlages, bei vns niddelleggen. Es soll vnd wil auch vilgnanter Marcus Saleman ader seine erben so ofte ein newer probft alhie zu Hauelbergk insituerett wirdt vnd von wegen solchs weinbergk zu erinnerung der vberkeit, die hern des capittels mit einem stubeken reinfchen weins ader desselbighen reinfchen weins werdt erkennen. Ime Fall auch, wo der gnanter weinbergk von mher benompten Marcus Saleman ader seinen miterben solthe verkaufft werden, das sothans zu erkennung vnser kirchen vberkeit in allen Zeeiten mit wissen des capittels geschehen soll, Vnd wir sampt vnfern nachkommenden in allwegk den slurkauff haben, vnd behalten, Jdoch das wir vnd dieselbighen thumbherrn vnd Capittel zu Hauelbergk auch darumb gebin vnd bezaalen, was ander fremde darvmb gehen wollen, Alls getrewlich vnd vngeuerlich. Zu vrkundt mit vnfers capittels grose Ingesigell vnden mit guten wyssen abgehungen bosigelt. Gegeben vnd geschehen zu Hauelberg am Freitage nach Exaltationis sot. crucis imme Jar tusent funffhundertt vnd Jme funff vnd viertigsten Jar.

Nach dem im R. Geh. Ministerial-Gesamt-Archive befindlichen Originale.

LXVI. Das Domcapitel beleihet Lucas und Jacob Wulste mit Besizungen in Belitz und Burgstall in der Altmark, im Jahre 1545.

Wir Leonhardus keller der rechte Licentiat vnd Thumbprobft, Wolffgangus von Arnym Dechant, Conradus Schalene Senior vnd gantz Capittel der Thumbstiftkirchen zu Hauelbergk, Bekennen hiemit vor vns, vnser nachkomen vnd thun sunst khundt gegen jdermenniglich, das wir nu nach tödlichem abgange weilandt des wirdigen Ern Joachim Friesen Dechandt vnser kirchen, des ssele godt gnedig sey, den Erbaren vnfern lieben getruwen Lucassen vnd Jacob gebrüderu den Wultzken zu Hertzfelde vnd jren menlichen leibs lehenserben sothane gutter, als sie von vnser kirchen zu Lenhe tragen, Nemlich in dorff Belitze, in der vogtey Arneburgk beleigen, drei wipell Gersten jerlichs pachts, als vber Andreas Sattelbergs hieben vnd hoff dreissig scheffel, sechs scheffel vber Hein Rengerfslagen hoff, sechs scheffel vber wandages Clawes Tydekens hoff, sechs scheffel vber eine hube, so ehemaln Hans Lübbbers vnter seinem pfuge gehabt, sechs scheffel vber Clawes billerbeken hoff, sechs scheffel vber Simon Stolings hoff vnd zwelff scheffel vber Merten Meynekens hoff. Auch vff der Feldmarck Borstell zwue wiesen, welcher die grose von sibem morgen vnd ehemaln Achim legede, die ander vnd kleinste Reimer Noppow, ethwan beide zu Stendell geseffen, von vnser kirchen zu lehne getragen vnd in dem Dorpff Borstell Eilffthalben schilling stendalischer wehre, jdoch zur teitt als awfs der Storme-Zinse jedes Jars vff Andree vinnff schilling drey

pfenning stendalisch soll jnen der storm-Vaigt vorreichen, desgleichen aw der von Borstell Bede, jedes jars vff walpurgis auch vinnf sehillinge vnd drey pfenninge stendalisch, soll jnen der von Borstell voget vorreichen, vnd vber Heine hermens Colaten erbe dafelbst siben huener vnd Arnd Ditewrs Erbe ein huen jerlich zu heben, zu gesampften braderlichen lehen gereichet vnd gelihen haben, reichen vnd leihen jnen daffelbighe alles, wie obsteht, hiemit, in crafft dieses brieffs, jdoch das sie denselbigen lehen, so offte die zu falle kommen, gepurliche folghe leisten vns vnd vnser kirchen dauon thun, dienen, halten vnd pflegen sollen, wie solcher lehngutter recht vnd gewonhait ist, Auch sunft vns an vnserm vnd menniglichen ahn seinen rechten ohne schaden. Des zu vrkhunde habe wir vnser kirchen Ingeiligell hieunden an diesen brieff wissentlich lassen hangen, der gegeben ist zu Huelbergk, Freitags nach Lamperti, Christi vnser hern geburt funfzehnhundert vnd sunff vnd viertzig Jar.

Nach dem im R. Geh. Ministerial-Gesamt-Archive befindlichen Originale.

LXVII. Das Domcapitel zu Huelberg verleihet Balher Hufeken das Schulzenamt auf dem Langen Berge, vom Jahre 1552.

Wir Johans von Walwitz Thumherre zu Magdeburgk vnd Halberstadt Thumprobst, Petrus Conradi decanus, Conradus Schollene Senior vnd gantz Capittel der kirchen zu huelberg, Bekennen vnd bezegen offenbar vor vnsz vnd alle vnser nachkomenden Ihm Capittel zu Huelberg vnd sonst menniglich, Das wir das Schulzeifen ampt vnd gerichte Bey vnserm Langen Berge als wir vnd vnser nachkomende Ihm Capittel zu huelberge stedis zw vorligen haben, vnd vnsz jtz erledigt durch Absterben Acchim hufeken seligers Seines vatern, dem vorsichtigen Baltzer hufeken vnd seinen Rechten manlichen leibs Lhens erben mit aller seiner herlicheit, gerechtigkeit, Sampt einer grafewisch an der huel belegenn vnd aller zuehorung nictes aufgenommen, Also das sein vater von vnz erkaufft vnd alle dem, waz seine vorfarn darzw geprauch, widerumb vorlihen habenn, Vnd vorlihen ihm daffelbighe, wie oben vormeldet, Ihn vnd midt crafft ditz vnser offnen brieffs. Jedoch das ehr vnz darvon thun vnd pflegen soll vnd wil, Waz sein vater darnon gethan sampt seinen vorfarn, Auch vnz getrew vnd gehorsam sein, Die gerichte vnd dienste nach notruft bestellen vnd gepurlich Recht menniglich Midhteylen, vnz, seiner Leiblichen Mutter ahn jrem Leipgedinge vnd jedermanniglich ahn seinem rechten vschedelich. Zw vrkunde midt vnserm grossen Ingeiligell niden angehangt besigelt. Gegeben zw huelberg ahn Abende fabiani et Sebastiani, Nach der Geborth Christi vnser hern dusent funfzehnhundert vnd jhm zwe vnd funfzigsten jare.

Nach dem Originale desselben Archives.

LXVIII. Abschied für die Bauern zu Gumthow wegen verweigerter Leistung von Fuhren, wegen Holzverwüstung und dergl., vom Jahre 1554 und 1555.

Anno domini XV^o LIII. Montags Remigii haben sich Pawel vnd Jacoff Huperat vnd Thonni- ges turmann von Gumptow von wegen jres vngehorsams, das sie den jungen Fursten vnd sein gemahl vnd hoffgefinde nicht fahren wollen, jre pacht nicht gegeben vnd des Capittels geschickten vnd